



Jesu Kristo Mbobuca Asunu,
Nguwenya Alimwi A Muyamyaaka

aa

Rev. William Branham

Kuzibyakusyoonto

Eeli bbuku lya ka lembwa kutegwa muntu oonse oyo uu li bala akonzye kuziba kuti Jesu Kristo uuci Futula alimwi a Kuponya bantu.

Inku syoma kwangu kuti Uli afwaafwi ku li bonya lwabili.

Eeli bbuku lyaamba mbuli Mbwa kasala i mulombe mucete alimwi a kumwiita ku mulimo wakwe, mbuli mulombe mbwaka tija kuzwa kuli Nguwe kwa kaindi kaniini alimwi mpawo camoyo-onse waka lipa kuli Nguwe.

Mupailo

Oh Taata uuliku Julu, kaka longezya muntu oonse uubala bbuku eeli.

A ba zibe kuti Yebo uuyo iita Mbungano ii la nguzu ca afwaafwi, eyo mbuuli njo tutana ku bewne.

Tu ci syoma Yebo.

Kolenga i kuyandisisya mu moyo oonse alimwi, Oh Webo Mululami, gwasya muzike wako uubombede ku zumanana kutola mulumbe Wako.

Ndi lizi Yebo wa ka ndisia mu mateete, mboonya Yebo mbo kacita Musa ku bukanze bumwi.

Aboobo Taata, ndigwasye ku lemya zina lyako, nkaambo Nda cilomba mu zina lya Jesu.

Ameni.

Jesu Kristo Mbobuca Asunu, Nguwenya Alimwi A Muyamyaaka

Nda ka zyalwa mu Cumberland County, Kentucky, mu kaanda kaniini ka zisamu. Bataata a baama ba ka kwatana mbana alimwi Nda kali mwana mutaanzi. Nda kaambilwa a baama kuti ciindi ni Nda katibe myweezi iili cisambomwe yakukomena, alimwi bataata teeба kaliko ku ng'anda, twa kaandidwe—caanda i mu malundu kwa mazuba manji. Tee twa kajisi cakulya alimwi baama ba kali kuya bubula nguzu ciindi coonse. Ku mamanino ba ka yeeya kuti magolelo asika. Ba kati baka bungika zyoonse zikobela a ngubo zyesu a ku ndi bikka mu maboko abo a kuzi zambaila zyoonse aali ndiswe kutegwa tu kasaalilwe mbuli mbo cikonzeaka.

Sikubala oyandwa, Nda syoma kuti ayo naa kaba magolelo i kuti Mufutuli wesu wa luyando naata kasika a ciindi mpu cakali i ku citikila. Pele lyoonse Uli munsi alimwi ula libonya a ciindi i ceelede. Wa kaambaula ku mweenzuma-uyandwa mudaala wa moyo—wa busalali alimwi aku mwaambila kuti a boole a zoobone ncekwa katali busi bwa kali ku zwa mu ciindilo cesu cabusi kwa mazuba mace aa kainda. Ciindi naka sika waka njila mu kaanda waka jana baama a Ndime twaka tiifwe a nzala. Wa ka bweza inkuni a kupanga mulilo. Mpoonya wa bweeda ku kaanda kakwe kuyotuletela cakulya. Mpawo twa kali kuya buba a nguzu alimwi a buumi bubotu. Akulumbe zina Lyakwe kuli ceeci.

Mpawo nikwaka mana eco twaka zwa mu cisi ca Kentucky alimwi akuya ku Indiana. Bataata baka inka kuyo belekela mulimi munsi a Utica, Indiana. Twa kakkala okuya kuutana mana mwaka omwe alimwi mpoonya twaka longela ambele

twakaselemukila ku kkuti lya Ohio. Myaaka iikubwene ya kainda alimwi Nda kali komenede kuba mulombe wa musela—mubotu ciindi Leza naakambaula kuli ndime.

Nda kali mu lweendo ciindi ca goko limwi kuyo bweza maanzi kutola ku ng'anda kuzwa ku butala, kwa kasibe i ntaamo ziku bwene kuzwa ku ng'anda. Aa kati-ka ng'anda a butala kwa ka lii mvwi cisamu ca poplar ca kaindi. Ni nda kazwa a kusika ku ng'anda kuzwa ku cikolo elyo goko alimwi abalombe bamwi beenzuma bakali kuya ku ciziba ca kaindi kuyozela. Nda kali kulilila kwiinka pele bataata ba kati Nda keelede ku teka maanzi. Nda ka lii mvwi munsi a cisamu kuti ndyookezye ciindi mpwo biyo Nda ka mvwa guwo kalyuungya matu. Nda ka ziba teelya kali kuungila abusena bumbi pe. Lya ka baanga i ndi sikati lyuumwine loko. Nda ka jokela kuzwa ku cisamu alimwi ndaka ziba kuti busena bwatiba musela wa cinkuli kwa kali ku baanga lyuungila kwiinda mu matu aa cisamu. Mpoonya awo kwaka boola jwi kaliti: “Uta kanywi, kufweba, naanka kusofwaazya mubili wako munzila iili yoonse, nkaambo Ndi jisi ncito a nduwe yaku yoocita cindi wa ku komena.”

Lya ka ndiyoosya loko, cakuti Nda ka zuzila ku ng'anda pele tii Nda kaambila muntu nabaomwe kujatikizya ndilyo. Tee ndaka konzya kunywa naanka kufweba. Ndi la syoma Leza uyo cita mulimo mupati mu mazuba a mamanino.

Ciindi ni Nda kakomena kwini kuzwa kuya bweendeenda a nkamu yabakubusyi, ba kali ku ndi seka a kwaamba kuti Nda kalimukandu uukompeme nkaambo tiindakali kufweba nanka kunywa. Bakali kunga bati abalo i basimbi bakali kunga balafweba alimwi kuti ba kali jisi caamba kwiinda mbo Nda ka jisi. Nda kali kuwa bweeme eelyo ku baambila eco caka tola busena mu buumi bwangu. Pele, beenzuma bayandwa, ncobeni Ndi la jana bulemu kuzwa mu kwaambaula ku nyika kuja tikizya ncico sunu. Aleluya!

Niyatibe myaka ili kkumi ayone yaku zyalwa Nda ka licisa loko ciindi nindakali kuvwima. Nda ka mana myeezi

iili musanu aibili mu cibbadela. Leza waka beleka a ndime pesi tii Nda kaswiilila. Kwiitwa kwa kaba kwini kwiindilila alimwi kwiindilila kuli ndime. Pele mu kutakomezegwa i muu ng'anda ya Bunakristo Nda kasola ku cikaka. Ziindi zinji Nda ka limvwa elyo jwi, lyaluumuno wi ka liita ndime, pele Nda kali kunga ndali futatila. Nda kaba cakuti tii Nda kali kukonzya kwiima kumvwa biyo bukombi ka bwaambwa.

Bumwi buzuba Nda yeeya Nda ka yi jana nzila ya ku gwisyia kwiitwa oko. Nda kali kulonga kuya kumbo kuku beleka mu mpulasi ya zivubwa. Mweenezuma, Leza mupati mbu bonya buyo oko mbu bonya mbwali mu busena boonse. Ndombozya kuti uube aa mpindu ku luzibo lwangu. Ciindi Na iitala nduwe, ko Mu vviila.

Limwi Itwi cifumofumo mu mwaka 1927, Nda kaambila baama kuti Ndi ya mu lweendo lwa kuwila ku Tunnel Mill, kwa kasibe mamaile aali ikumi aone kuzwa ku Jeffersonville ooko nkotwakali kukkala ciindi eco. Nda ka bambide kale lweendo kuya ku Arizona a beenzuma bamwi. Ciindi baama nibakamvwa kuzwa kuli ndime lwabili, tii Nda kali ku Tunnel Mill pele mu Phoenix, Arizona, nkeecija kuzwa kuli Leza wa Luyando. I buumi bwa a mpulasi ya zivubwa bwa kali kabotu loko kwakaindi kaniini, pele mpawo bwa katalika kukulumpala, mbuli kufumbwa misalo imbi i ya nyika. Pele a Nda ambe awa, Alumbwe Leza, kuti luzibo a Jesu lula komena ku kubota alimwi a kubota ciindi coonse alimwi talu kulumpali. Jesu ulapa luumuno lulondokede alimwi a kuumbulizigwa lyoonse.

Ziindi zinji Nda ka limvwa guwo kalyuunga kwiinda mu masamu malamfu aa pine. Kwa kabo neka mbuli kuti Nda li ku mvwa jwi Lyakwe ka lyoompolola i mu cisaka, kaliti, "Adamu, ino uuli kuli?" I nyenyezi zyaka boneka ku ba munsi loko cakuti inga wazi bweza a maanza aako. Leza waka boneka kubaanga uli munsi loko.

Comwe cintu ca ka baanga caamba kunji kuli ndime ku makani aa cisi eco i migwagwa ili mu nkanda. Ikuti wa sola

kuzwa kuleya mu mugwagwa, yebo ula sweeka mu buteteete. Aboobo ziindi zinji loko basikweela zilengwaleza bala bona malubaluba munkanda elyo bala zwa mu mugwagwa kuyo acela. Ba la tuntulika mu nkanda alimwi bala sweeka ziindi zinji ba lafwa ku nyota. Aboobo mbu cibede mu nzila ya Bunakristo—Leza uli jisi mugwagwa. Ula waamba mu li Isaya, chipati 35. Ulaa tegwa i “Mugwagwa wa Busalali.” Ziindi zinji misalo miniini ya nyika iila kugwisya mu mugwagwa. Nkabea yebo ula sweekelwa lujano lwako antoomwe a Leza. Mu nkanda ciindi yebo wa sweeka, kuli zimwiziindi kulibonya kube kulimaanzi. Ku bantu bali mu kufwa a nyota, ici baanga kulimaanzi ciyo ba mbuli i mulonga na lwizi. Ziindi zinji bantu bala zizuzila alimwi a ku wida muli nzizyo biyo ku jana kuti bali muku samba mu musee uupya. Zimwizindi i dyabulosi ula ku tondeezya cimwi cintu eco ncaamba kuti ciindi cibotu. Eco ncintu biyo ci baanga kulimaanzi, ncintu i cimwi eco citali bwini. Ikuti na wa swiilila uyolo jana buyo ko lundika buusu aa mutwe wako. Tamu swiilili pe, sikubala oyandwa. Syoma Jesu oyo uupa maanzi aa buumi kuli baabo bafwa nzala e nyota.

Bumwi buzuba Nda ka tambula lugwalo kuzwa ku muunzi lu ndaambila kuti umwi wa bakwesu wakali cisidwe loko.

Waa kali Edward, oyo uu ndi tobela. Nkabela tee Nda ka yeeya cakusiniza, aboobo Nda ka syoma kuti inga uyooba kabotu. Pele goko limwi mazuba masyonto na kainda ciindi ne Nda kali kuzwa ku dolopo ni Nda ka inda kwiinda mu ganda lya kulida mu mpulasi ya zivubwa Nda ka bona pepa aatafule. Nda ka libweza. Lyakali kwaamba, “Bill, kozwa boola ku macezezyo aa nyika. Cakuyandika loko.” Ni Nda ka mana kubala kagwalo mweenzuma alimwi a Ndi me twa keenda i kuzwa ku macezezyo. I muntu mutaanzi ngu Nda kaswaanganya wakali Sikulanga Saka uuzizilwe wakali alikke wakaindi ubelekela ampulasi yazivubwa. Zina lyakwe wakali Durfy, pele twa kali kumwiita kuti “Pop.” Wa kali a ciimo ca buusu ku busyu bwakwe naa kaamba,

“Billie mulombe, Ndi la makani aako mabi.” Ku ciindi eco sikubelesya bantu naka boola keenda kumbele. Ba ka ndaambila kuti telegramu ya kazwaa ku sika i yaamba lufu lwa mukwesu wangu.

Mweenzuma oyandwa, kwa kaindi kaniini tii Nda konzya kweenda. Lwa kali i lufu lutaanzi mu mukwasyi wesu. Pele Ndi yanda kwaamba kuti cintu citaanzi nci Nda ka yeeya nkuti nawa kali li bambilide ku fwa. Mbu Nda ka zyungulika biyo ndaka langa aatala amabbanda ampulasi zyamu ngungawaji, misozi yaka mbulumukila aa masaya aangu. Obo ni Nda ka ibaluka obo mbotwa kali ku pengana antoomwe ciindi nitwa kali baniini alimwi obo mbo cakali ciyumu kuli ndiswe.

Twa kali kwiinka ku cikolo akaku takwe cakulya cinji. I tulolomi twa kali polede i kuzwa mu mabusu eesu alimwi twakali kunga tusama mabbaki aa kaindi aka ngilidwe i mu nsingo nkaambo tii twa kasamide masyati. Obo mbo Nda ka yeeya akwalo bumwi buzuba Baama ba kali aa ciwaya mu kabbakete aa cisusulo cesu. Tee twa kalya antoomwe a bamwi i bana. Tee twakali kukonzya zya kulya mbuli nzibakajisi. Twa kali kunga tu yubila ku cilundu kuya kulya. Nda yeeya kuti obo buzuba mbo twakali aa ciwaya twaka yeeya kuti cali ciyandisi cini. Aboobo kuba masimpe Nda ka gwisya cibeela cangu kuzwa muli ncico eelyo Nda kazwa kakuta naba isikati, nda ka fonkola mukwesu ka tana gwisya cibeela cakwe.

Mpoonya ka ndiimvwi awo nke langide aa mabanda aa mpulasi a netede e zuba Nda ka yeeya zintu ezyo zyoonse alimwi akuli buzya ikuti na Leza waka mutola ku busena bubotu. Mpoonya lwabili Leza waka ndiita, pele mbuli lyoonse Nda kasoleka ku cilwana kuti cimane.

Nda kali bamba ku boola ku muunzi ku dilwe. Ciindi Muf. McKinny wa Port Fulton Church, mwaalumi uu li buyo mbuli bataata kuli ndime, waa ka kambauka dilwe lyakwe wa kaamba kuti “Ndiza inga kuli bamwi aawa abo ba ta muzi Leza, ikuti namboobo, mu mulangile eno.”

Oh mbu Nda ka jatiliisya cuuno cangu, Leza wakali kubeleka alimwi. Sikubala oyandwa, ciindi na ita, mu vviile.

Ta ndi kulubi obo Bataata alimwi a Baama ba kaindi bacete mbo bakali nilyaka mana dilwe. Nda kali kuyanda ku jokela ku Jwe pele baama bakaindi kumbila kapati kuti nkale cakuti Nda ka zumina ku mamanino kukkala ikuti na Nda konzya kujana ncito. Lino ndaka jana mulimo a ba Public Service Company ya ku Indiana, oko nku Ndi beleka eno.

Nikwa kainda myaka yakasibe yobile ni ndakali kusunka mamita mu cintoolo ca mamita a busena bwa Ncito zya Buusi mu New Albany Nda ka zundwa a buusi alimwi kwamvwiki zinji buusi bwaka Ndi pa kuciswa. Nda kainka ku madokotela oonse ngo Nda kazi. Tii nda kakonzya ku gwasigwa. Nda ka ciswa mwida nkaambo ka asidi, waka citwa kuzwa ku nguuzu zya buusi. Ca ka indilila ku bija coonse ciindi. Nda ka tolwa ku madokotela basyazibwene mu Louisville, Ky. Kumalekelo ba kaamba kuti cakali cibeeela campela lya tumbo lyangu alimwi ba kaamba kuteeti Nda keelede kupandulwa. Tii nda ka ci syoma, nkaambo tii Nda mvwa ku cisa mu bbazu lyangu. Ba madokotela bakati taakwe ncoba kacili ku konzya kundi citila cita Nda kabaa kupandulwa. Kumalekelo Nda ka zumina kuti cicitwe pele ndakaa mbilisisya kuti babelesye musamu uulebula lubazu olo lwaandulwa kutegwa Ndi konzye kweebeleyza kupandulwa.

Oh, Nda kali kuyanda umwi kwiima munsi lyangu oyo wa kazi Leza. Nda kali kusyoma mu nkombyo pele teendali kukonzya kukomba. Aboobo mukutausi kuzwa ku First Baptist Church waka ndisindikila ku kaanda ka kwandulwa.

Ciindi nibaka ndi gwisyaa aa tafule kuya ku bulo bwangu Nda ka limvwa kuyabu kompama alimwi aku kompama i ciindi coonse. Moyo wangu tuwa kali kulimvwisya kudunta. Nda kamvwa Lufu aali ndime. Ku yooya kwa kaali kuya buceya i ciindi coonse. Nda ka ziba Nda sika ku mamanino a buumi bwangu. Oh mweenzuma li ndi la mane uka sike okuya limwi mpoonya uu yoo yeeya zintu zinji nzooka cita. Nda

kalizi kuteeti tii Nda fweba, kunywa naanka kuba kulilemeka kumwi kusofweede pele Nda kalizi tee Nda kali bambide ku swaangana Leza wangu.

Mweenzuma wangu, ikuti na uli buyo simbungano uu tontola wa tuyanza uyoo ziba ciindi waku sika ku mamanino kuti yebo to nali bambila pe. Aboobo i kuti yebo oko koonse nkozi a Leza wangu, Nda ku lomba ndyoona awa uu fugame alimwi a ku lomba Jesu kuti yebo akupe i luzibo olo lwa Kuzyalululwa, mbuli eco Mbwa kaambila Nikodema kujatikizya muli Johane, chipati 3, alimwi oh obo i milangu ya lutangalo mbwii yolila—Akulumbe Zina Lyakwe.

Kwa kata lika kusiya mbi mu kaanda ka cibbaddela mbuli kuti mwakali i mu masyaka mapati. Nda ka konzya kumvwa guwo ka lyuunga kwiinda mu matu, pesi kwa ka boneka mbuli nzila mpati iizwa mu syaka. Nywebo ndiza mwaka mvwa ku cooma kwa guwo ka lyuungya matu, kaliza munsi alimwi a munsi kuli ndiywe.

Nda kayeeya, “Ma, oolu ndufu lu boola ku ndi tola.” Oh! muuya wangu wakeelede ku swaangana Leza, Nda kasola ku komba pele teendaka konzya.

Guwo lyakaboola munsi lyangu, kalilimvwisya alimwi kalilimvwisya. I matu aakalila alimwi a mpoonya buyo lomwe Nda ka yinka.

Kwa ka boneka kuba mpoonya kuti Nda kabweeda ku mulombe muniini uuta samide mabbusu, kandiimvwi mu kakondo ako munsi aa cisamu nciconya. Nda ka li mvwa jwi ndyoonya lyakati, “Uta kanywi naanka kufweba.” Alimwi matu nge Nda ka mvwa nge ngawo aa kaunga mu cisamu eco buzuba obo.

Pele ciindi eci i jwi lyakati, “Nda ka kwiita yebo alimwi yebo teewa kainka.” Lya ka loolola ciindi ca 3.

Mpoonya Nda kati, "Mwami, ikuti na oyo nduwe, ndileke ndibweede ku nyika alimwi Ndi yo kambauka Makani ako mabotu kuzwa aa tala lya ng'anda alimwi amu tunyoneno twa tu zila. Ndiyo baambila bantu boonse kujatikizya ngawo!"

Ciindi cilengaano eci nica kainda, Nda ka jana kuti tee Nda kali mvwide kabotu. Sikundipandula wangu waa ka cili mu buyake. Wa ka boola a ku langa aali ndime alimwi waka gambwa. Wa ka langa mbuli kuti waka yeeya Ndi la fwa, mpoonya wa kati, "Ta ndii li muntu uyiinka-ku cikombelo, kukutauka kwangu nku pati loko, pele Ndi lizi Leza wa swaya mulombe oyo." Kaambo nca kaambila obo, Ta ndizi pe. Taakwe muntu wakaambide cimwi cintu kujatikizya ncico. Ikuti ni Nda Lizi mpoonya eco Nce zi eno, ni Nda ka buka kuzwa kubulo obo nkewongolola Akulumbe ku Zina Lyakwe.

Nikwa kamana mazuba masyoonto Nda ka zumizigwa ku jokela ku ng'anda pele Nda kacili ciisidwe alimwi ndaka sungilizigwa kusama magilazi aa kumeso angu nkaambo ka kulesya meso kunyongana. Mutwe wangu wakali kuzungaana ciindi Nda langa aacintu coonse kwa kaindi kaniini.

Nda ka talika alimwi a ku yandaula kuti njane Leza. Nda kazwa ku mbungano a mbungano ku sola kujana busena awo kwa kali kwiitwa kwa cipaililo ca ciyanza-cakaindi. I cibeela ca kuusa tii Nda ka konzya ku jana. Nda kati ikuti Ndi ka sole kuba Munakristo, inga Ndi yooba umwi ncobeni. I mukutausi wa ka ndimvwa nke amba nkani wakati, "Lino Billy mulombe, uyabu sweepa mu kulimvwa kwa kwiindilizya." Nda kati ikuti Ndi ka jane bukombi mbo Nda kali kuyanda ku bumvwa ciindi nebwa keza mbuli biyo i kuli basikwiya mbobaka cita.

Oh akulumbe zina Lyakwe. Nda ka jana bukombi nikwa kamana alimwi Ndi ci bu jisi, alimwi ku Luzyalo lwakwe Ndi cinoo bu bamba lyoonse.

Busiku bumwi Nda kaba nzala loko ya Leza alimwi alujano lwini ca kuti Nda ka inka ku ng'aanda ya kuyobweda ya

kaindi kunze iya ng'anda a kusola ku kombba. Lino tee Nda kazi mbuku kombwa pele Nda ka talika biyo kwaambaula kuli Nguwe mbubonya mbuli Mbwe konzya ku muntu oonse. Mpoonya biyo awo mumuni waka sika mu ng'aanda ya kuyobweda a kupanga ciengano a jwi kuzwa ku ciengano lya kaambaula kuli ndime mu mulaka ngo Nda taka konzya ku mvwisya. Nkabela lya ka unka. Nda ka kaangwa. Ciindi ni Nda ka pempenukwa, Nda kakomba lwabili, "Mwami i kuti na nduwe, kaka boola a kwaambaula kuli ndime lwabili." Nda kali kubala Iffaibbele lyangu kuzwa ciindi ni Nda kali ku muunzi kuzwa ku cibbadela alimwi Nda kali balide muli Johane 4, "Nobayandwa muta zuminu myuuya yoonse, pele a mu soleke myuuya na njiya Leza."

Nda ka lizi kuti muuya wakali bonya kuli ndime, alimwi mbo Nda ka kombela wakali bonya lwabili. Mpoonya kwa ka baanga kuli ndime kuti kwa kali cuulu cakulema ca kazwa ku buntu bwangu. Nda ka sotoka alimwi kuzuzila ku ng'anda alimwi kwaka boneka mbuuli kuti Nda kali kuzuzila atala aa muwo.

Baama bakabuzya, "Bill, ncinzi caka citika kuli nduwe?" Nda kaingula, "Ta ndizi pele kasimpe Ndi mvwide kabotu ncobeni alimwi a kuubilwa." Tee nda ka konzya ku kkala limbi mu ng'anda. Nda ka zwa alimwi a ku zuza.

Nda ka ziba mpoonya ikuti na Leza wakali kuyanda ndime kuti ndi kambauke inga uyo ndiponya, aboobo Nda kainka i ku mbungano eyo iisyoma ku nanika mafuta alimwi Nda ka pona mpawo. Nda ka bona mpoona kuti i basikwiya baka jisi cimwi cintu bakutausi banji neo bata jisi sunu. I basikwiya baka bapatizigwa a Muuya Uusalala alimwi aboobo bakali ku konzya kuponya baciswa alimwi a kucita maleele mapati mu zina Lyakwe. Aboobo Nda ka talika kukombela i lubapatizyo lwa Muuya Uusalala alimwi ndaka lujana.

Bumwi buzuba nikwa kainda mywezi yatikabe cisambomwe, Leza waka ndi pa kuyandisya kwa moyo wangu. Wa kaambaula kuli ndime mu mumuni mupati ku ndaambila

ku kambauka alimwi aku kombela baciswa alimwi a kuti Uu yooba ponya nekuba kuti mbulwazi nzi mbu ba jisi. Nda ka talika kukambauka alimwi akucita eco ncaka Nda ambila ku cita. Oh mweenzuma, Nsi konzyi ku talika kukwa mbila zyoonse ezyo zyaka citikide: Boofu baka kubona. I zilema zyakeenda, makkulenge a ka ponesegwa alimwi a yoonse misyobo ya maleele yaka citika.

Bumwi buzuba i ku matalikilo a Spring Street, Jeffersonville, Indiana, nikwaka mana kubukulusya kwe nsondo zyobile, Nda kali kubapatizya bantu bali 130. Bwakali buzuba bupya bwa Ivvivwi alimwi kwa kaliko i bantu baka tiibe zyuulu zyotatwe. Nda kati bapatizye muntu wa 17th ciindi mpawo Nda ka mvwa elyo jwi lya luumuno liniini, i lwabili alimwi lya kati, "Langa kujulu." I julu lya kali mbuli mukuba ku buzuba obo bupya bwa Ivvivwi. Tii twa ka jisi mvula kwa nsondo zya kasibe zyotatwe. Nda kali mvwa i jwi lwabili, alimwi mpawo lwabili i ciindi catatu lya kati, "Langa kujulu."

Nda ka langa kujulu alimwi awo kwa kazwa ku julu nyenyeesi mpati iimweka eyo nji Nda ka bwene ziindi zinji kale pele eyo nji Nda kata mwaambilide kujatikizya njiyo. Ziindi zinji Nda kaambila bantu kujatikizya njiyo ku boneka alimwi bakali kunga baseka biyo alimwi aku teeti, "Bill, uli mu kweezeya biyo eco. Na ndiza yebo wakali kulota." Pele akulumbwe Leza, eci ciindi Wa kali tondeezya Lwakwe ku boneka kuli boonse, nkaambo yaka boola munsi loko kuli ndime cakuti tee Nda ka konzya a kwaamba. Nikwa ka mana masekondi mace akainda, Nda ka kwila alimwi bantu baka langa kujulu alimwi baka bona nyenyeesi atalatala lyangu. Bamwi bakawizuka kumwi baamwi baka ongolola alimwi baamwi baka tija. Nkabela nyenyeesi ya ka bweeda lubo mu julu, alimwi i buusena awo mpoyaka zwida bwaka leelene bwaasibe tukokola tuli kumi atosanwe, alimwi busena obu bwaka zumanana kweenda alimwi akusukasuka na mbuli

kuti mayuwe aakali kuzyuungulika. Awo kwaka pangwa mu busena obu i ka kumbi kaniini katuba, alimwi nyenyezi yaka tambulwa atala mu ka kumbi aka kaniini.

Sikubala oyandwa, ikuti ni Nda li jisi biyo busena mu bbuku eeli ku kwaambila kwa zintu zinji ezyo zyaka citika, obo cikombelo cesu mbu ca kayakwa, alimwi zinji zya kukubulusya kwa nguzu loko nkutwa kajisi. Bantu ba kazwa kule alimwi a munsi ku zoo ponesegwa. Pele Ndi leelede ku yoo panga bbuku eli kuti li ceya loko kutegwa likauzigwa aansi alimwi a kuba akuulwa a boonse. Ezi zintu nzya ku muzibya kuti Jesu Kristo uu cili nguwenya mbuli mbobuca alimwi a-sunu alimwi uyo oba muyamyaaka, alimwi kuti nywebo mu mu syome alimwi a kufutuka. Ikuti nywebo mwakonzya, ku ciindi kufumbwa kubukulusya kwesu kwanooli munsi lyanu, amuka janwe kuli nkuko.

BULUNGULUZI

Lino ku mapegi a cilila tuyoo jana bulunguluzi bwa Bantu bamwi bwa basyoonto abo baka ponesegwa ku ciindi ca miswaangano yesu imwi.

Nda ka li mu cibbadela mu New Albany, Ind. ciindi ni Nda kamvwa kwa Muk. Branham. Nda ka uminwe aa kaala. Kuli cakacitika mabambo aangu oonse akalityokede. Musana wangu wakagwejuka. Nda kali muntu uuta cigwasiki, mbuli kulugwasyo lwaku silikwa.

Muk. Branham wa kandi kombela, alimwi ndilyonya buyo i mabambo angu aka lulama, alimwi a musana wangu awalo. I dokotela taka cikonzya ku cimvwisyta. Nda ka buka, nda sama zikobela zyangu, akuya ku muunzi, alimwi nda kainka ku ncito.

Akulumbwe Leza ku Nguzu Zyakwe Zyakuponya.

William H. Merrill, 1034 Clark St., New Albany, Ind.

Nda ka li cilema kwa myaka i minji. Ndali sibukilibulo kwa ciindi. Maulu angu akaligogo mene tee Nda likukonzya kweenda. Dokotela wa kati Nse keendi pe. Nda kamvwa kwa Muk. Branham alimwi obo Leza mbwakali kwiingula nkombyo zyakwe. Aboobo Nda ka mwiita. Walo alimwi aumbi mwaalumi muniini uulazina, DeArk, baka boola alimwi bakandi kombela. Mpawo buyo maulu angu akaponesegwa. Nda kacikonzya kweenda. Ndi ci li uuyeenda. Kwaba myaka 4 yainda i kuzwa ni caka citika.

Nda lumba Leza ku Nguzu zyakwe Zigambya. Muka.

Mary Der Ohanion, 2223 E. Oak St., New Albany, Ind.

Kuli ooyo unga waba Cakwaamba,

Nda kali mulema kwa ciindi ci kubwene. Maulu angu aakali tyokede alimwi tee Nda kali kukonzya kweenda lubo. Kweendelena ku bulembu bwa Doko. Mwana wangu mulombe wakandikunkulisiza ku muswaangano wa Muk. Bill, mu cuuno cangu camwwili. Ayo masiku Nda ka bona a kwalo muntu wa ka teendede mu myaka 18. Nda kabona akwalo muntu waka tambula kuku bona kwakwe alimwi wakeenda kwiinda mu mbungano kakunyina cigwasilizyo. Wa kali moofu kwa myaka 40 alimwi a bamwi banji, zilema alimwi abube boonse bwa bulwazi bwa kaponesegwa masiku ayo. Aboobo ciindi cangu ni ca ka boola kuti ndi kombelwe, Nda kali jisi lusyomo lwa kusyoma muli Jesu, i kuti wa kali nguwenya mbubuca, asu-nu, a muyamyaaka. Muk. Bill wa ka ndilombela, wakandi jata ku kuboko alimwi waa kati, "Mu zina lya Jesu — yenda."

Nda kamvwa nguzu zya Leza zya boola aali ndime. Maulu aangu akali kwezeme kugama kumbele lyangu ndakaya i ku cibuye alimwi Nda ka talika kweenda, alimwi akulumbaizya Leza, Nda kasiya cuuno cangu cakaindi camavwili alimwi nda keenda ntaamo zikubwene ku munzi.

Muka. T. Hargrove, 149 Spring St., Jeffersonville, Indiana

Nda kalangwa meso biyo kuti ndifwe ku kkulenge kwa myaka yobilo yainda. Nda kalimuzi Muk. Bill kwa myaka. Ndakali muzi kuba muntu uu luleme alimwi ndakali munji i mu miswaangano yakwe. Leza ka muleleka alimwi kubeleka manji, manji maleele kwa nguwe. Nda ka mwiita kuti aa zoondi kombela. Kkulenge lyangu lyaka mwaika.

Ndi ci li uukomene, kutembaula alimwi akulumba Leza.

Muka. L. Stinner, Missouri Ave., Jeffersonville, Indiana

Nda kalangwa meso biyo a dokotela wesu wa mukwasyi, maora masyoonto buyo kuti kandi cipona. Nda kali ku ciswa kkulenge kwa myaka yaka sibe 3.

Muntu uu la zina Wiseheart wa ka ndaa mbila zya Muk. Bill. Bakeenzya mootokala mamaile 35 kwiinda mu caanda alimwi azikoto zyameenda kuti bandibweze. Ku ciindi ni ba ka sika okuya, mweelwe wa beenzuma alimwi ba mukowa ba kali bungene ku ndi bona kwa ciindi cabo ca mamanino. Bana bangu basimbi baka nduulilide zikobela zya mu cuumbwe zya kundi zikkila. Nda kali uusuntukide ciindi Muk. Bill naaka inka okuya. Wa ka lomba boonse ba ta kali bazumini kuzwa mu kaanda. Mpoonya wa ka fugama alimwi wandi kombela. Nda kamvwa i nguzu zya Leza aali ndime ciindi naka bikka janza lyakwe aali lyangu, alimwi ndilyonya biyo Nda kamvwa kkulenge lyangu lya mana.

Nda ka buka ndaimikila ku lumbaizya Leza ku nguzu zyakwe. Awo ngo myaka 4 yainda alimwi Nse na kuba aa kkulenge limbi i kuzwa eelyo.

Akulumbwe Leza ku Bubotu Bwakwe.

Muka. Sarah Hoyse, Middletown, Ind.

Nda kali mulema kuzwa ku kuzyalwa. Tee ndakali kukonzya kweenda naanka ku belesya maanza alimwi a maboko angu. Nda ka mvwa oko Muk. Bill nkwaakali kujisi muswaangano wa kuponya mubotu. Nda ka janika alimwi a kubona zintu zinji zigambya zicitwa aalusyomo mu zina lya Jesu alimwi akubikkwa maanza.

Muk. Bill waka ndi lombela, mpoonya waka langa cakugama kulindime alimwi wakati, "Mu Zina lya Jesu, koenda." Nda kamvwa nguzu zya Leza zya boola aa mubili wangu. Nda kaswiilila, alimwi i kwa ciindi citaanzi mu buumi Nda ka talika kweenda. Nda kali a myaka 35 yaku komena.

Leza mu mazuba aaya mamanino uulimuku cita zintu zibotu.

Akulumbwe zina Lyakwe muyamyaaka.

Kasimbi kesu kaniini, Betty, kakali ku ciswa kwa myeezi yotatwe. Twa ka jisi madokotela obile azizilwe aamu dolopo, pele cakalikubaanga, teeба kali ku jana kaambo kakuciswa. Twa kali jisi akwalo bakutausi babotu bamu dolopo alimwi a mu cisi coonse ku mu kombela. Wa kaindila kuciswa bucebuce. Mpoonya twa katumina ku Jeffersonville, Ind., ku muntu i wa zina lya Muf. Wm. Branham, uu la cipego ca kuponya kwa Buleza. Muk. Bill, mbuli mbwa ii twa, waka boola kuli ndiswe ndyoonya. Nakainda maora aa kukomba, wa ka njila mu kati alimwi wakaa twaambila i kuti Mwami waka mu tondeezya cilengaano ca ku citila Betty wesu miniini. Wa kali biyo lukanda alimwi zifuwa alimwi wakali kuyuuntana coonse ciindi mbuli ikuti wa kali kuyuminina. Muk. Bill waka tukumbila ikuti na iinga twa syoma Leza alimwi twa swiilila eco Ncaa kaamba kucita. Naa ka mana ku komba alimwi a ku mwiitila zina lya Jesu, kasimbi kesu kaniini kaka pona ndilyona. Eco ca tiibe kutandila myeezi 10 yainda. Betty Wesu muniiini lino uli mu buumi bulondokede alimwi uu li neneede loko mbuli mbwa konzya. Ndi yoo botelwa ku lembela kufumbwa muntu uula mubuzyo waa ku ponesegwa kwakwe, naanka kufumbwa kwa kuuponesegwa oko kwa ka citika ciindi ca kubukulusya oko Muk. Branham nkwaakajisi muno mu St. Louis mu 1945.

I kuponesegwa oko kwa ka citika mu St. Louis Revival kula janwa mu bbuku lya mutwe "Cilengaano Cakujulu," aa Muk. Branham. Ba masimpe ku li bala.

Muf. Robert Daugherty, 2009 Gano Ave. St. Louis, Mo.

KULI OYO UNGA WABA CAKWAAMBA:

Nda kali mu bulo ku musana wangu kwa myaka 8 alimwi a myeezi 9 nke ciswa T.B. alimwi madokotela ba ka ndilanga meso buyo. Tee ndakali kulema 50 lbs. alimwi kwaka boneka kuti boonse bulangizi bwakali manide. Mpoonya kuzwaku Jeffersonville, Ind., mamaile aakatibe 35 kuzwa ku muunzi wesu, wakaboola Muf. Wm. Branham, mu cilengaano eco nca ka bwene kabelele kaka patide mu lukula alimwi kakali kulila "Milltown." (Oko nku busena i Nkwe kkala.) Muk. Branham tanaka lina sikide okuno nanka ku ziba kufumbwa muntu uuzwa kokuno. Naka njila, waka bikka maanza aali ndime alimwi waka komba, kaita ali ndime i zina lya tuyandwi wesu Mwami Jesu. Cimwi cintu ca ka boneka ku ndi jata alimwi mpawo Nda ka buka alimwi a kulumba Leza nkaambo ka nguzu Zya kuponya. Nda ka zwida—aanje kwa ciindi cangu citaanzi mu myaka 8, mpoonya ndaka bapatizigwa i mu mulonga, i mu zina lya Jesu Kristo. Lino ndi li oyo sikulizya piano ku Baptisti Church okuno. Nzinja loko zyeenda aa kuponesegwa ooku kupati. Nsi kwe i busena mu bulunguluzi obu bwa ku bulemba koonse. Ndi yoo komana kulemba alimwi akwaamba mubuzule kuli oonse uunga wa yandisya mu kuponesegwa kwangu.

Georgia Carter, Millton, Indiana.

KULI OYO UUNGA WABA CAKWAAMBA:

Nda ka pandulwa alimwi ndaka ba a ciimo ca kkulenge kuzwa ku kwaandulwa. Nda ka cita koonse nku Nda kazi obo kubusya busya mubili wangu, pele ndaka kacilwa. Mukaintu wangu awalo wakali cisidwe alimwi twaka mvwa Muf. Branham alimwi obo Leza mbwa kali ku beleka kwiinda muli nguwe kuponesya baciswa. Twa ka inka ku muunzi wakwe isikati limwi lyamu Nsondo myeezi yatibe cisambomwe yainda, alimwi ciindi nitwaka sika twaka jana

bamwi okuya nkaambo ka bukanze mbubonya, alimwi kuba aa kuponesegwa. Mpoonya twa kambaula a Muk. Branham alimwi aku mubuzya ikuti na cimwi cintu cila konzeka ku citilwa ndiswe. Twa ka mwaambila twaa kali bana Katolika pele waka twaambila kuti kuponesegwa kwa Buleza kwakali kwa boonse abo inga bayo syoma. Wa kaita ku swiilila kwesu ku mulindu muna Kaatolika wa ka tambula kuku bona kwakwe kuzwa naka lomba Leza ku mugwasya, alimwi lino ula bala i bulembu buniini. Wa kali ofweede loko ca kuti wakali kusololelwa buya ku ng'anda yakwe. Nkabela mpoonya mukaintu wangu alimwi a Ndi me twaka kombelwa alimwi toonse tobile twaka ponesegwa. Kkulenge lyangu lyaka zimaana! Lino tuli kondedwe alimwi abuumi buboto loko alimwi kuseeni lyoonse Nda buka kuzwa ku bulo alimwi ndakombela Muk. Branham alimwi ancinto yakwe ya Leza kwa maora 3. Ndi li a makwebo aa malaiti okuno mu dolopo alimwi lyoonse mu Nsondo kuseeni tula inka ku mulalilo mutaanzi alimwi mpoonya tula binda kukosola cizabukilo kuya ku Branham Tabernacle. Akwalo tula janika ku kuswangana kwa masiku alimwi amuswangano wa nkomyo masiku Bwatatu. Tuli muku baa ciindi cibotu alimwi kuboneka mbuli kuti tuli mu kupona mu nyika mpya. Ndi yoo komana kwiingula kufumbwa lugwalo lwa makani aa kuponesegwa kwangu.

Louis H. Head, 417 Garnet Court, Louisville, Ky.

Nda yanda kuyungizya bumboni nkaambo i ka bulemu bwa Leza mu kulemeka ku kuponesegwa kwa Buleza. Kwa myaka ya tiibe yotatwe Nda kali pezegwa a cilowa, eco cakazumanana kuyandilila alimwi akuya bwiinda kubija, kusikila ku syule kwa maanza angu alimwi aatala amatende angu kwa kali cikoto cabulowa bwaka yuminina. Akali zimbide cabubi alimwi akali azilonda loko. Mu Mukubwekangala 11, 1945, Muk. Branham wakandi

nanika alimwi akubikka maanza aali ndime mu nkombyo, pele mu busena bwakuba kabotu, Nda ka zumanana kwiindilila kubija, alimwi mbuli mbu Nda kali kubelesya tufuta twakunana mu maanza alimwi matende angu, Nda ka yeeya kuti ambweni nke kaambo nci Nda takali kupona. Aboobo Nda ka yanda kuleka ku belesya misamu yoonse alimwi a kusiya kaambo i kangu ku Mwami caku maninina. Mu Gandapati 10, Muk. Branham alimwi Muk. Seward ba ka ndi kombela lwabili alimwi Mwami waka ndiponya, Akulumbe zina Lyakwe lisalala! Lutaanzi Muk. Branham katana ndi nanika nkaambo kaku kompama kasindi. Matende angu a kaciisa ca kuti lya kali fwabi kuli ndime kweenda. Pele kuzwa ne Nda kananikwa, matende angu akayuma loko, alimwi sunu Nda konzya kweenda musinzo mulamfu a kucisa kuce ku maulu kwiinda caka beela komwe biyo kaku tanaba ku nanikwa. Alimwi Ndilombozya ku yungizya kuti eci taluli luzibo lwangu lutaanzi a kuponesegwa kwa Buleza. Myaka yainda iili makumi—obile, Nda kajanika ku muswaangano waka citwa a Muf. C. H. Erickson mu Columbus, Ind. Bamwi ba ka ponesegwa kuzwa ku ciswa kwaandene alimwi mbuli mbo Nda penga kuzwa kuu kaambo ka shini bbi lyakkolokolo kwa ciindi cilamfu alimwi nda kali e cikoto aliso lyangu lya lulyo cakuti caka jala ku kubona kwangu ku cibeela (alimwi ni ca kandoo fwaazya mu ciindi), Mebo, ambebo, ndaka lomba Mwami kundi ponya alimwi Wa ka cicita. Takwe limbi nendaka pezegwa a ku ciswa kuli koonse. Nda katambula cileleko eco kandili mu cuuno cangu, mbuli mbu Nda ta ka kumbila inkumbizyo zya Muf. Erickson. Nda ka libona kupona alimwi a kumvwa alimwi kubala bumboni bwa bamwi. Myaka yakasibe yobile Nda kainda aa muunzi munsi a Prospect, Ky. I kavwanda, kaniini ka cisidwe kaka lilede a cibwezelu mu lubuwa alimwi banyina baka ndaambila i kuti kwa ka lindide myeezi yaku komena alimwi kakali kuciswa mu buumi bwako boonse bufwaafwi.

Ka kali kotede loko alimwi teeka kali kukonzya kulya kaku takwe kukwiila caku cisa. Mu Nsondo mwa kacilila Nda kaambila Muk. Branham i kujatikizya kana. Walo alimwi a mbungano baka kombela i kavwanda, alimwi nsondo zisyoonto zya kainda Nda kainda lwabili ku muunzi oyo alimwi ndaka buzya kujatikizya kavwanda. Ka kali kuyabuba kabotu alimwi kakali buya bulema. Nda ka njila ku yoo kabona, alimwi ka kali kulya bulyo alimwi ncobeni kakabotelwa. Kuli lembewe kuti Taata esu uuli kujulu wa kapa mwana Wakwe Jesu Kristo, nguzu zyoonse ku julu alimwi ansi, alimwi wa ka Mu pa i zina ilila tala aa zina lyoonse, alimwi Petro wa kati mwa kali mu zina Lyakwe, kwiinda mu lusyomo i mu zina Lyakwe, kuti muntu mulema waka ponesegwa ku Mulyango wa Tempele. Nkuu zina ndilyonya elyo i lya bulemu zintu ezi zigambya nkuzi citwa sunu. Alimwi ciindi swebo twa ponesegwa a nkombyo ya lusyomo, eci ta cili cileleko biyo ncitu tambula pe, pele lila bweza a kaanzambwene ka kujatilwa i kwa zibi. Jak. 5:15.

Ndalumba Leza kuti tuli jisi sunu mu nyika eyi ya mapenzi, bantu mbuli Muk. Branham, Erickson, John Sproul alimwi a bamwi i Muuya ngu wa kapa cipego ca kuponya kwa Buleza. Jesu Kristo ngo nguwenya i mbubuca, asunu alimwi a muyamyaaka. Alimwi Ula konzya buya alimwi akuyanda buya ku kutuponya mbuli ciindi Na ka kambauka i Makani mabotu aa Bwami alimwi a kunesegwa kwa bantu myaka yainda iili cuulu a myaanda fuka. Nda kabona Joan Gray, i kavwanda kaniini kaka cisidwe, mu Ivvivvi 26. Lino ula myeezi yiinda 27 yaku zyalwa alimwi kali kabotu alimwi abuumi mbuli mboku konzeka kuba.

Wanu muli Kristo Jesu,

G.W. Jones, 705 E. Maple St, Jeffersonville, Ind.

Nomuyandwa beenzuma, nku bali bambi abo baka ponesegwa alimwi a bangaa bayanda kupa bukamboni bwabo mbuli bakamboni i ku inguzu zya Leza pele ta tu jisi i busena bwa mbubo biyo lino mu bbuku eli syoonto. Obu bulunguluzi bwa pegwa mbwa ku muyumya nywebo ku syoma Jesu Kristo alimwi a ku muziba kuba Mufutuli alimwi Sikuponya wanu.

Banji abo babala i Bbaibbele, balati, “Ikuti ni Nda kapona biyo mu ciindi ca Bbaibbele, ni Nda kainka kuli Jesu alimwi inga naaku Ndi gwasya.” Mweenzuma, mpa li aano a sunu kuku gwasya nduwe, mbubonya buyo mbuli mbwa ka bede mu mazuba obo. Syoma buyo i Muuya Uusalala, ngo Nguwe Kamboni wa Jesu. Kaka, mpawo awo mpo bede, Mu syome, alimwi uu yoo ponesegwa.

NKAMBAUKO

Cibalo cesu cijanwa muli Isaya, 53:5.

“Pele wakayaswa nkaambo ka milandu yesu, wakaumwa nkaambo kazibi zyesu. Kuti i ku tu gwasya iswe nci ceeco Nca aka kwabbawidwa a mibunda yakwe njii tuponya.”

Lino mwenzuma, i Bbaibblee lilati, “Amibunda Yakwe njii tuponya.” Alimwi tu yoo zumina tu ci jisi kujatilwa kwa zibi zyesu kwiinda i ku bulowa Bwakwe, tacikwe makani eco nci twa kacita. Nkaambonzi? Nkaambo kwa kali i mu mulungo, uu lati. Sena mibunda Yakwe tee yakali ya Kuponya mu mulungo akwalo? Mpoonya ikuti mulungo wa kuponya waka sweekelwa nguzu zya nguwo, nkokuti yebo uucili mu zibi zyako; nkaambo, i mulungo wa zibi zyako waka bambwa aa Bulowa mbubonya kuzwa i ku muntu nguonya aa busena mbubonya, aa ciindi i nciconya, aa buzuba i mbubonya.

Mpoonya yebo ulee lede kwaamba ku teeti zi beleka antomwe nanka bumbi zyoonse tazi cikwe nguzu.

Peepe, mweenzuma, yebo ula syoma Jesu buya mbubonya ku kunesegwa kwako mbuli mbocita nkaambo ka zibi zyako, alimwi mulungo uu yoo ba a nguzu mbubonya. Ci yooku belekela mu nzila iili yoonse, ciindi yebo wa syoma kuti ca ka bambilwa kaambo ka nduwe mu buzuba obuno mbuli kuli baabo mu buzuba obo.

Mbuli buyo yebo mbo selemuka i mu mulonga kuzabuka i mu bwato—buzabusya, wa bona bamwi kabazabuka, aboobo nkaambonzi tokonzyi yebo? Yebo to inki i kuli silutwe wa bwato obo alimwi a ku mubuzya naa i bwato bu yoo panga lweendo na pe. Yebo ko bbadela biyo mali,aku tanta alimwi a kukkala. Eno nde ndilyonya mpawo ci li kuli i sikweenzya ku kuzabusya aa mulonga.

Ni nzila i njiyonya a Kuponesegwa kwa Buleza, uuli bwene bamwi bali mu kuba kabotu alimwi ula konzya kupona ayebo. Kuya biyo kuli Jesu. I mali aabbadelwa mu kaambo aka nkusyoma, mpoonya ci li kuli Jesu ku bona kuti uu zwidilizye.

Oh, mukwesu alimwi mucizi, Mu syome, a yebo ula konzya kuponesegwa. I buzuba bwa Maleele ta bwiindide kuli baabo abo ba syoma kuti ta buna.

Ncinzi i cintu citaanzi yebo nco cita ciindi no kanza kweendenda kwa ku likwaya? Yebo ula jana bbuku lya kale alimwi a ku bona ikuti ku buzuba oobo bbuku lya ziindi nco lyaamba na mvula na kuba kabotu. Ndilyonya yebo uyoo kkomana ikuti lyaamba kuti kabotu. Ndilyonya yebo uyoo aamba, “Tu yookanza kweendeenda kwa kulikwaya ku buzuba obo.” Yebo uyooula cisusulo cako coonse alimwi akulibambilila kweenda kwa misalo nkaambo biyo kuti i bbuku lya ziindi lyaamba kuti “kabotu.”

Oh, mukwesu alimwi micizi, ulabikka lusyomo lupati olo mu bbuku lya ziindi, nkaambo nzi tosyomi mu Ijwi lya Leza? Yibaluka kuteeti Leza lyoonse wakali jisi abo bamwi basyoma, nkaambonzi nco tabi umwi wa baabo lino? Bala Marko 16 alimwi akubona kuti kulaillila kwa mamanino kwa kapegwa ku mbungano kwa kalikwa kuponya bacisidwe. Wa kati “Alimwi aya maleele a yooba tobela abo ba syoma.”

Ikuti mbungano yako yaamba kuti ba la syoma alimwi a zitondeezyo tazi tobeli, nkokuti kweendelanya a Ijwi lya Leza taba syomi pe.

Buzya umwi muntu sunu kujatikizya citondeezyo cibotu ca musyomi ba yoo ku tondeezya umwi muntu wiimvwi kabotu muli zya buleya. Umwi oyo uupa kabotu mu katiba ka mulumbo. Oh mwenzuma wangu, bamwi ba baabo ta bazi kujatikizya Leza kwiinda i mu Hottentoti mbwazi kuja tikizya sikubeleka muna Egepita, alimwi bamwi ba baabo mba sicikolo bayiide-loko kuzwa ku maseminari a kwalo. Pele yebo

to yee lede kuba sicikolo kuti uzibe Leza. Pele yebo uu lee lede ku cita kunji kwiinda bunji bwa baabo, yebo uu lee lede ku syoma alimwi i kuti wa cita zitondeezyo muli Marko 16:17-18 zila kutondeezya mbuli Jesu mbwa kaamba kuti ziyoocita.

Yiibaluka muli Marko 16 lilati kambauka i Makani mabotu ku bantu boonse. Yebo inga wati, “Muk. Branham, ninzi Makani mabotu, kuti inga tu zibe naa tuli aa jisi nanka pe. Sena i ndi Ijwi?”

Paulo wakaamba kuti Makani mabotu tabooli kuli ndiswe mu ijwi a liliye pele ku Nguzu alimwi a Kukutondezya kwa Muuya Uusalala. Mpoonya inga yebo to keelede kuba a Nguzu i zya Muuya Uusalala ku tondeezya zitondeezyo ezyo zya Mark 16?

Jula antoomwe amebo kuli 2nd Timoteo, Chipati 3 alimwi uu bone obo Muuya Uusalala mbo waamba kuti mu mazuba aku mamanino bantu ba yooba a ciwa ca bukombi pele bayookazya nguzu zya mbubo, alimwi kuzwa ku bantu bali boobu i Bbaibbele lilati kuli nduwe koba futatila.

Sena eco ta cili citondeezyo ca kuti tu pona mu mazubaaku mamanino? Bantu ba la kazya nguzu zya kuponya alimwi akwaangunuka loko kuzwa ku zibi.

I imbungano zili muku tontola loko cakuti thermomita yainka ku makumi ali cisambomwe kensi aazilo. Tokonzyi kuba a kuzunda alimwi akucita mulimo wa Kuponya kwa Buleza antoomwe ansangano zyanjuka alimwi amisanga. Bamwi bantu bala inka ku mbungano mu Nsondo kuseeni a tombwe mupati mu kanwa lyabo, kaba boneka mbuli musune wakakulaulwa meja waku Texas. I Ijwi lilti kuli ndiswe tu li salazye kuzwa ku basofwi boonse. Oh mukwesu, kofutata ku zintu zyako zya nyika alimwi ubelekele Leza. Mpoonya uyoo ku zumuzya yebo kweenda mu mugwagwa Wakwe wa Busalali mbuli Isaya Chipati 35th mbo ya kaamba.

Ikuti na umwi muntu waka letela pepa lya kutambwida mali a \$70,000.00 inga watalika kutangala. Ikuti na nda ku

buzya nkaambo nzi wali kkomana loko, inga yebo waingula kuti waliku jisi \$70,000.00. Ikuti na Nda doneeka inga wanditambika pepa lya kugwisizya mali. Ikuti ni Nda amba kuti kakali ka beela biyo kaka pepa a bulembo aali nkako inga ni wa ka ndii ngula ca ku fwambaana kuti kwa ka lee lede kuba \$70,000.00 yaa kaa bikwa a mfulumende ya U.S ka kutana ku lembwa kutambwida alimwi kuti imfulumende inga i yoo kwiiminina kuti kuliluleme.

Koziba mpoonya kuti Jakobo 5:14 ilati ku komba kwa Lusyomo ku yoo vwuna uu cisidwe. Ndiza nga wati elyo lya kali pepa biyo abulembo aali ndilyo. Pele mukwesu, Julu lyoonse li laiminina i Bbaibbele.

Ciindi wa bala Ijwi Lyakwe ibaluka kuti cisyomyo ci li kuli nduwe. Mpoonya talika kutangala alimwi a ku syoma alimwi Uyo kuponya.

Ngu Leza i nguwenya a sunu alimwi aa muyamyaaka. Ameni.

CHITONGA

©2015 VGR, ALL RIGHTS RESERVED

VOICE OF GOD RECORDINGS
P.O. Box 950, Jeffersonville, Indiana 47131 U.S.A.
www.branham.org

Kuzibya kwa nguzu zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa mucimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org